

帝時嘗出以賜典藥頭半井氏云豈即遠祖所進之本歟抑別有抄本也意者秘府所藏人間莫得而窺焉加之保平以還兵燹相踵是書在若存若亡之間者蓋數百有餘年矣寬政初載先大君文恭公方表章遺文命臣等曾祖臣元惠使以仁和王府所藏抄本謄寫儲之醫學當時稱爲希觀顧其爲書殘脫居半學者仍憾不得窺其全豹焉恭惟今大君仁治寰宇孝存繼述最深軫念醫藥訪知今典藥頭半井氏有斯書全帙乃命執政傳旨其家俾送致之醫學使臣等得繙閱之既而又命臣等使遵依原本摸刻以布之海內○中安政元年十二月朔侍醫尙藥醫學教諭法印臣多紀元堅侍醫醫學教諭兼督務法眼臣多紀元所頓首拜識

〔醫略抄〕夫病源之候其流不一療治之方其趣旁勿○恐勿諸家傳論先賢撰集漢家本朝斯彙蓋多或卷軸既繁有煩披閱或部帙相混難支厄急仍爲遣卒爾之疾類聊抽諸方之簡要□□□□□□抄不敢顧時俗之嘲只爲省暗質之惑也于時永保辛酉之年三月七日侍醫丹波雅忠撰之

〔玉海〕承安三年四月十五日丁丑今日憲基呼前仰醫書之事等有千金秘隨方云書令見之憲基申未見由此中有云年月日神事件事於月神者一切無之由丹家之輩所申也而定成貞時等申有爲神之由而今此書有月神仍問憲基頗有不審之氣尤有興事也

〔吾妻鏡 二十三〕建保二年二月四日己亥將軍家聊御病惱諸人奔走但無殊御事是若去夜御淵醉餘氣歟爰葉上僧正候御加持之處聞此事稱良藥自本寺召進茶一盞而相副一卷書令獻之所譽茶德之書也將軍家及御感悅云々

〔喫茶養生記 上〕入唐前權僧正法印大和尚位榮西錄

茶也養生之仙藥也延齡之妙術也山谷生之其地神靈也人倫採之其人長命也天竺唐土同貴重之我朝日本曾嗜愛矣古今奇特仙藥也不可不摘乎謂劫初人與天人同今人漸下漸弱四大五藏如朽然者針灸並傷湯治又不應乎若如此治方者漸弱漸竭不可不怕者歟昔醫方不添削而治今人斟酌